

և ծաղկել, այս տեղիքս դիժար էր, և մագաղաթ չէր գլտվէր. վասն այն տեղիս տեղիս՝ պատուով գրեցի: Վասն որոյ աղաչեմ՝ զամենեսիան ներել սխալանաց մերոց, և խնդրել ապենիազ Արարչէն՝ տալ թողութիւն մեղաց մերոց. եւս առաւել խնդրել յԱստուծոյ վասն ծնողացս, հօրն իմոյ Նիկողոսին և մօրն իմոյ Շնօֆորին և քուերս Խուտրաթին, և եղբարց իմոց՝ որ հանգուցեալ են առ Քրիստոս: Նա և զբազմաշխաս Սրապիոնն՝ որ գրեց յեաի չորս տետրն և կապեց զսուրբ աւետարանս՝ յիշեցէք ի Քրիստոս. նա և զհոգեւոր և զմարմնաւոր վարդապետքն և ուսուցանողքն մեր, զոր ոչ գրեցաք զանուանս նոցա, զի մի յերկարեացի բանս. այլ գրեացի անուանք նոցա ի դպրութիւն կենաց: Զմեզ յիշողացդ և յիշեցելոցս առ հասարակ պարգեւեացէ Քրիստոս զիւր առատ ողորմութիւնն, աստ և ի հանդերձեալն:

(Յետոյ գրեալ.) Վերապայծառ և ամենապատիւ Տէր Նիկողայոս Թորոսովին արքեպիսկոպոսն Լէոպոլսի և առաջնորդն, զայս սուրբ աւետարանս պարգեւեաց եկեղեցւոյս Ստանիսլաւովո, ի յիշատակ իւր յաւիտենական. զոր յետոյ բարեպաշտ Իլովցիք և Սդանիսլաւցիք ոսկւով և արծաթով դարձարեցին, ի փառս Քրիստոսի Աստուծոյ մերոյ:

1625.

Գրեցաւ այս Գաւազանագիրքս ձեռամբ մեղաւոր և անարժան Ներսէս սարկաւազի, որդւոյ Հօլուպ վոյթին Կամէնցւոյ, ի յաշխարհս Իլախաց, ի նոյն քաղաքի, ի վայելումն հոգեւոր հօրն մերոյ սրբաանեալ և քաջ ռաբ... [Յիշմիածին]:

1626.

Աստուծոյ օգնականութեամբն սկսայ և կատարեցայ Տօնացոյցս այս, Հայոց Թվին ՌՀԻն, և ամսեանն օգոստոսի հինգերորդին, ի քաղաքն որ կոչի Կամենից, ձեռամբ մեղաւոր և անարժան Գաբրիէլ երէցին, ի փառս Քրիստոսի Աստուծոյ մերոյ:... Գրեցաւ Տօնացոյցս ի լաւ և յընտիր օրինակէ:...

1627.

Թվին ՌՀԵ, մայիսի ԺԺ, օրն չաբաթ, եկաք ի Զամօցա, Պարոն Տէր Մարտիրոս Ս. Էլմիածինեցի, և Պր. Տէր Եղիա Երզնկացի, և Տէր Խաչատուր արեղայ Իլովցի, վասն նուիրակութեան և հիմնարկութեան սուրբ եկեղեցւոյ, և ի հայրապետութեան Տեառն մերոյ Տէր Մեղիսեդ կաթողիկոսին, որ էր ինքն ի Լով քաղաք. և առաքեաց զմեզ ի Զամօցա քաղաք. և ի քահանայութեան Տէր Յակոբ քահանային, եկաք հանգեալ ի տուն նորին. Աստուած փառաւորէ զինքն ի հոգի և ի մարմին. ամէն: [Ճաշոց ի վիճակայ:]